



www.BibleForChildren.org



San Juan 14



'Kündi'ni ká nimá ndo', iní ndo' kuni ndo' Ndiosí, te iní tu
ndo' kuni ndo' yu'u. Vi'e yuva' i ndii, yoo kua'a' mii' kuvi
kundiée ndo'. Naa' süu' sakan' nduu' a ndii, kä'an i xiin' ndo'
xa'a' a. Sakan' na kuu' na ku'un i te sava'a i mii' kundiée ndo'.



Te kii' ndi'i ku'un i, te sava'a i mii' kundiee ndo' ndii, kixin
tukuu i, te naka i ndo'ó, te ku'un ndo' xiin' i, te kundiee ndo'
xiin' i mii' kundu'u' i.



Yu'ü nduu' Juan, ta'an' ndo', te ndo'o' tu i saa ndo'o'
ndo'ó nuu' ña sando'o' va ne yivi' yoo' xa'a' ña ndikún
e' ichi' Jesús, te nduu' e' kuenta ña xa'ndia


chuun' Ndiosí, te kundieni inji
e' nuu' ña jaan' xiin' ndiee'

Jesús.



Te xa'a' a ña ni ka'an ndoso' i tu'un Ndiosí, xiin' ña ni ndiee yu'u' i xa'a' Jesús na ni tiin u'vi ra yu'u, te xan ndiaka ra yu'u nuu' iin ñu'u' ña nani' Patmos,

ña ndasi i'nu xiin' mini ka'nu'.




Te xaka'án e', te ni sakutu' Espíritu Santo nimá i, te ni xini i
iin' iin tej ka'nu' ndivi', te ndu'u' iin te yivi' nuu' tun' jaan'.



Te ni xini so'o i ka'an sakuu' ña ni xa'a Ndiosí, naa kuu' ña
ndiee' ndivi', xiin' ña ndiee' nuu' ñu'u' iin yivi', xiin' ña ñu'u'
tixin ñu'u', xiin' ti' ñu'u' mini ka'nu' ndii:
Ña ndu'u' nuu' tej ka'nu' kaa' xiin'
Mbee Lulu ndii, na natin a ña
xaka'nu' ña'a' e', xiin' ña tiin' ka'nu'
ña'a' e' xiin' ña ndatun' xava'a, xiin' ña
ndiee' ndee' ndi'i'
ni kivi'. Ni kachi a.



Sakan' te ni xini yu'u, Juan, ñuu ña nani' Jerusalén xaa', ña su'un. Te ni keta a ndivi' mii' ndu'u' Ndiosí, te nuu' a. Te yoo tu'va a ndee naa iin ña'a' kii' ndasandatun' xiin' mii' a' xa'a' ii' a'. Te ni xini so'o i iin tachi' yu'u' ña keta' ndivi' mii' iin' tei ka'nu' ka'an ti'e' a ndii: —Koto ndo', yo'o' iin' vi'e mii' yoo Ndiosí xiin' ne yivi' vitin, te ne jaan' kunduu ne ñuu a, te mii' a kaka tein nia, te kunduu a Ndiosí nia.



Sakan' te ni sania'á ángele jaan' yu'u iin itia mii' kua'an tikui,
te' taxi' kivi' ñuu ña köo' kivi' ndi'i'. Te tikui jaan' ndii, xiñu
ra' ndee naa yuu' tata. Te xa'a' tej ka'nu' Ndiosí xiin' Mbee
Lulu kiee' ra'.



Te ñuu jaan' ndii, kuní a ñu'u, te ni ndee kuní tu a yoo',
sakan' ña mii' Ndiosí yi'é nuu' ñuu jaan'. Te Mbee Lulu nduu'
ña tuun ñuu jaan'.




Te kōo' kivi' ko'ni ndee iin ne xaa' ña nia'a ñuu jaan', ni
ndee ne xaa' ña ka'an, ni ndee ne ka'an tun vixi, süu' jaan'
ndii ne yoso' kivi' nuu' tutu mii'
yoso' kivi' ne kumi' kivi' ñuu
ña kōo' kivi' ndi'i', ña
nduu' tutu Mbee
Lulu jaan', kuiti' kuvu
xka'ndia ikan'.




Te sanayaa' a nduchi' nuu' nia, ña ni xaku nia. Te küvi ka nia,
te kuäku ka tu nia, te ni ndee ndä'vi ka ni tu kuni nia, te
sakan' tu küni u'vi ka nia. Kuachi ndii xa
ni xka'ndia iin yivi' yata' —ni
kachi tachi' yu'u' jaan'.




Te kōo' kivi' ka nācha'an ne yivi' ikan'. Te ñuu jaan' kuiin
tej ka'nu' Ndiosí xiin' Mbee Lulu jaan'. Te saka'nu' ña'a'
ne xika' nuu' nuu' a. Te kuni ne jaan' nuu' Ndiosí, te koso'
kivi' a ti'e' nia.



Sakan' te ni xini i ne ni xi'i, ne ka'nu' xiin' ne nda'vi so'o, te ita' nia yatin nuu' tej ka'nu' jaan'. Te ni nunia' kua'a' tutu. Sakan' te ni nunia' tu inga tutu mii' yoso' kivi' ne kumi' kivi' ñuu ña köo' kivi' ndi'i'. Te ne ni xi'i ndii, ni sana'má ña'a' Ndiosí saa nii' yoso' nuu' tutu kua'a' jaan', ña ka'án xa'a' ña ni xaa nia. Te ne yöso' kivi' nuu' tutu mii' yoso' kivi' ne kumi' kivi' ñuu ña köo' kivi' ndi'i' jaan' ndii, ni xitia i'nu nia mini mii' ndatin ñu'u jaan'.



Te Espíritu Santo xiin' ña' tunda'á' ndii, ka'án n̄a xiin' Jesús
ndii: —N̄a'a —kachi n̄a. Te sakuu' ne xini so'o ña yo'o' ndii,
na ka'an tu n̄a ndii: —N̄a'a —kachi n̄a. Te yoo ka ichí tikui
ndii, n̄a'a ndo', te yoo ka kuní tikui ndii, ko'o so'o ndo'
tikui, te' taxi' kivi' ñuu ña köo' kivi' ndi'i'.



'Kuachi ndii kundani ya'a Ndiosí ne yivi' iin
yivi', sakan' na ni ti'vi' a yu'u, ña nduu' si'e
a ña iin ndaa' tilu', iin yivi' yo'o'. Te yoo
ka ini xini yu'u ndii, koo' kivi' kuvu
ña nuu' Ndiosí, süu' jaan' ndii
natiin ña kivi' ñuu ña
koo' kivi' ndi'i'.



Romans 3:23 te xa'a' a ña sakuu' e' xaa' kuachi ndii, xika' yoo' e' nuu' Ndiosí, te küvi kuni e' ña ndatun' a.

Romans 6:23 Sakan' ña ya'vi e' ña natin e' xa'a' kuachi e' ndii, ña kuni a küvi e' nduu' a. Ndisu tumani' ña natin e' nda'a' Ndiosí xa'a' a ña ini e' xini e' xto'o e' Jesucristo ndii, kivi' ñuu ña köo' kivi' ndi'i' nduu' a.

Hebrews 9:27 Te sakan' tu yoo', ne yivi' jin yivi' ndii, unta' kuiti' xi'í e', ndi'i' jaan' te kuaxi ña sana'má Ndiosí yoo' xa'a' ña ni xaa e'.

Ephesians 2:8,9 Kuachi ndii, xa'a' a ña ndani mii' Ndiosí yoo', na ni sakakú a yoo' nuu' kuachi e' xa'a' a ña ini e' xini e' Jesús. Sakan' ña küvi sakakú xiin' mii' mii' e', süu' jaan' ndii, Ndiosí xamaní' ña jaan' nuu' e'. Te süu' xa'a' ña va'a ña xaa' e' sakakú a yoo', koto ka ka'an ninu yoo ka.



Romans 10:9,10 Sakan' ña naa' ka'an un' xiin' yu'u' un' ña Jesús nduu' xto'o nuu' sakuu' ña'a, te iní un' xiin' nimá un' ña ni sanatiaku ña'a' Ndiosí ndii, kaku un' nuu' kuachi un'. Kuachi ndii xiin' nimá e' iní e' xini ña'a' e' te xandaku Ndiosí nimá e' nuu' a. Te xiin' yu'u' e' ka'an e' ña nakuni ña'a' e' nuu' ne yivi' te sakakú a yoo' nuu' kuachi e'.

John 3:16,17 'Kuachi ndii kundani ya'a Ndiosí ne yivi' iin yivi', sakan' na ni ti'vi' a yu'u, ña nduu' si'e a ña iin ndaa' tilu', iin yivi' yo'o'. Te yoo ka iní xini yu'u ndii, koo' kivi' kuví nia nuu' Ndiosí, süu' jaan' ndii natiin nia kivi' ñuu ña koo' kivi' ndi'i'. Kuachi ndii ni ti'vi' a yu'u, ña nduu' si'e a, xaa i iin yivi' te katun' i ne yivi' jaan' xa'a' kuachi nia. Süu' jaan' ndii ni ti'vi' a yu'u xaa i te sakakú ña'a' a xiin' nda'a' i nuu' kuachi nia.



1 John 5:11-13 Te xa'a' ña yo'o' nduu' ña ni ndiee' yu'u'
Ndiosí, ña ni taxí a kivi' ñuu e' ña köo' kivi' ndi'i'. Te kivi' ñuu
e' jaan' ndii, nda'a' si'e a jaan' natiin' e'. Ne iní xini si'e
Ndiosí ndii, natiin' nja kivi' ñuu ña köo' kivi' ndi'i', ndisu ne
iní xini si'e a jaan' ndii, köo' kivi' ñuu jaan' natiin' nja. Ke'i i
ña yoso' yo'o' nuu' ndo'ó, ne iní xini si'e Ndiosí, te kuní ndo'
ña xa kumi' ndo' kivi' ñuu ña köo' kivi' ndi'i',
te iní ndo' kuní ndo' si'e a jaan'.



San Juan 14; 2 Corintios 5;
El Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Mixtec, Ayutla NT (miy) © 2016, Wycliffe Bible
Translators, Inc. All rights reserved.

<https://live.bible.is/bible/MIYWYI/MAT/1>

©2025 Bible for Children, Inc.

www.M1914.org

www.bibleforchildren.org

